

河南開封府鄭州河陰縣



為續修志書以存文獻事

康熙二十九年八月初二

日蒙

本府信票本年七月二十

河陰縣志

憲檄

七日蒙

河南布政使司信票本年

七月二十三日蒙

欽差巡撫河南都察院閣 憲

牌照得郡邑有志必信必

徵始足傳後其間博而不
交簡而能盡彬彬大雅亦
之可列於職方下之可藏
於石室蓋有關於政治者
非淺也豫省當天下之中

道里所均古聖先賢大半
發跡乎斯則軒輶所至未
有不訪其故實者而郡邑
之志已三十餘年莫之增
脩其為遺漏者多矣又昔

平脩志止取脩文未加考
訂或限以數日或所托非
人本都院逐一查閱府志
如河南南陽縣志如宜陽
河陰蘭陽荒悖失倫莫可

枚舉至於安陽汲縣乃彰
德衛輝兩府首邑竟無志
書尤為缺典今本都院已
將通省志書設局修正而
各府州縣所送續冊未能

畫一又通志所載限於定
格不能如府州縣之詳則
三十餘年所遺者十之六
七自此漸遠漸至凋殘文
獻無徵何從取信矧此三

十年皆我

皇上生聚教養之所培育其戶
口日增土田日闢文治隆
而風俗厚災祥見而官民
警安可不大書特書以為

一代盛典茲擬合通行續
修為此牌仰該司官吏照
牌事理即延擇文學名儒
熟知典故長於史事者博
採典故蒐羅遺軼其舊志

未載者一一補之舊志之
舛謬者悉改正之不得以
同名疑誤相沿不得以釋
官小說混入本都院又恐
各屬參差不齊未歸畫一

將凡例開明粘單於右悉
照此為規程若夫叙論之
古雅典茂俱屬才人之大
筆在乎各自留心稿成先
錄草本呈送本都院披閱

裁定其所費紙張工料須
量力捐資慎勿絲毫派之
民間諒此不朽之盛事可
指日觀成也速計粘單
一紙等因到司行府備行

到縣蒙此謹於本年九月
遵奉續修

河陰縣志序

廣武前葛爾之區南通榮
鄭北帶黃流隸在山陽者
生植幾何蹂躪幾何民困
於征輸官疲於奔命縷

悉舊志矣惟是邑前此甲
第蟬聯自履任以來寒
鮮通籍者彩愧一隔水滩
田供鄰封強有力者貧心
血造枯無能與河伯爭此

一片壤彩愧二醜額增重
於昔數不止倍困民且困
商矣造付無可奈何彩愧
三事典古人弗類將安縮
綬是邦者才弗速歎命不

猶歎抑天以憂患貽人示
譴告歎今

撫都憲閻大人檄倏邑乘此
邦得失將開卷瞭肢詎敢
載其隆不載其替粉飾固

陋貽珥筆羞爰卜良日揖
學博毛君暨明經秦君荆
璫諸昆進曰

關大人鎮撫中州水治如飢
渴禁私徵節浮費助麥種

賑米粥蠲災免漕不啻視
民如子今茲之撤彷彿周
南召南行將焉

聖天子觀風地彩也
前賢如諸苦不足光邑乘
似負愧

何毛君秦君輩輟杖笑曰
嘻異哉賢書日益寡邑第
子業荒於嬉也灘田淪於
強有力之手河伯限以南
北也吾邑之困於醜以肇

始豈在今茲乎侯何歎乎
此彩曰唯、否、澗谷阻
深山原繡錯不優然附庸
之邦乎簡命赫然吾何去
而何從增糧有額初暑遠

時無米之炊何以理之如
劉如封如王前賢之俎
常新也何以繼之泮壁依
蒸執經請業者能使若任
杜許和諸君子之風規乎

太公頂廢址猶存兩雄不
並立且不至以杯羹遺漢
也今吾民能於雀鼠相角
時尚保全人骨肉彼翁即
我翁乎守土之吏心悻

不寧屑匪獨三愧為然也
幸際

閣大人手註

上諭十六條延督師儒教習樂
舞藐茲下吏或可仰藉餘

風圖免罪戾然覽觀前此
得失之由與比年未愜於
心之時與勢竊恐後之視
今亦猶今之視昔登觀豈
必在遠哉諸君子志形志

事志言併志比年未憚於
心之時與勢以副

撫都憲求治盛心是所望也
書成可以志感可以生敬
謹拜而受之

康熙三十年辛未河陰縣
知縣襄平申奇彩書

河陰縣舊志序

邑之不可無誌也猶家之不可無譜國之不可無史也家有宗子奕葉相承孰為昭孰為穆孰宜隆而孰宜殺縱有強枝靡敢凌躡何者宗乘確可攷也若夫國之有史也一代之氣運統焉一王之禮樂備焉其進賢也列以九等其退不肖也別以四裔禱祀嚴其戒縱世變風移而天下恪凜一王之法何者書於柱下不可泯也故

河陰縣志

范楷序一

夫邑之有誌不徒表方隅之廣狹不徒載賦役之多寡與土產之有無也凡一邑之中有孝子者若而人乎則書之有忠臣者若而人乎則書之有節義賢貞者若而人乎則書之職官之循廉貪墨亦然使覽之者快其行之相同也則從而效之法之愛慕之疾其事之相悖也則從而懲之創之唾詈之矧

聖治維新人心樂奮俱有可以為善之机手因是有

所觀感益相砥礪風俗醇而人心古於
國家興教致治之意未必無小補也謹序

晉

順治拾叁年丙申菊月望日文林郎知河陰縣

事蜀內江范為憲書

河陰縣志

卷之二

河陰縣舊志序

范侯之會河陰而修縣志也序曰邑之不可無志猶國之不可無史然與否與史記行事多詳人而畧天地志攷輿圖每詳地而畧天人可太史一書本紀世家而外不廢河渠天官則言人未始遺天地也禹貢列分野於九州周禮辨九州於星上凡男女之數與種畜之宜悉載焉則言地亦無天人也志也者禹貢周禮之遺意而

河陰縣志

萬壽序一

史之副墨也三才不備不可以言史則亦不可以言志矣河陰制僅六里附庸於鄭角亢同躔於天不啻昭昭於地不啻彈丸於人鄭風有之矣何取乎志之志之者莫大乎其地為都邑兵食所自起鄭城千里平衍獨廣武俯黃流而瞰太行上古為三皇山高辛火正以之封後維商仲丁以之遷都秦皇以之置倉隋帝以之通漕瀉溝浪蕩梁堰於今鑿鑿此亦形勝之大端矣